

III. OUTRAS DISPOSICIÓNS

AXENCIA PARA A CALIDADE DO SISTEMA UNIVERSITARIO DE GALICIA

RESOLUCIÓN do 10 de novembro de 2011 pola que se aproba a convocatoria ordinaria para solicitar a avaliación previa á asignación das retribucións adicionais relativas ao complemento de recoñecemento á excelencia curricular e se abre o prazo para a presentación de solicitudes.

O Decreto 55/2004, do 4 de marzo, polo que se establecen as retribucións adicionais vinculadas a méritos individuais docentes, investigadores e de xestión do profesorado universitario, establece no seu articulado a necesidade da aprobación dun protocolo de avaliación por parte da Axencia para a Calidade do Sistema Universitario de Galicia (ACSUG), como órgano encargado de realizar a valoración previa da actividade docente, investigadora e de xestión, necesaria para a asignación das retribucións adicionais reguladas polo mencionado decreto.

Pola Resolución do 10 de decembro de 2008, da Dirección Xeral de Ordenación e Calidade do Sistema Universitario de Galicia, publícase o convenio de colaboración ente a Consellería de Educación e Ordenación Universitaria, a Consellería de Innovación e Industria, a Universidade de Santiago de Compostela, a Universidade da Coruña e a Universidade de Vigo, polo que se modifica o convenio do 30 de xaneiro de 2001 para a creación do Consorcio Axencia para a Calidade do Sistema Universitario de Galicia (DOG do 20 de xaneiro de 2009). A disposición transitoria terceira do citado convenio establece que mentres a Comisión Galega de Informes, Avaliación, Certificación e Acreditación (CGIACA) non adopte os procedementos e protocolos de avaliación, informe, certificación, acreditación e verificación a que fai referencia o artigo 23 dos estatutos, seguiranse aplicando os establecidos polas normas en vigor, mentres non contradigan o establecido pola Lei orgánica 6/2001, de universidades, na súa redacción dada pola Lei orgánica 4/2007, do 12 de abril, pola que se modifica a anterior.

De acordo co anterior, a avaliación das actividades docentes e investigadoras, previa á asignación das retribucións adicionais vinculadas ao recoñecemento da excelencia curricular docente e investigadora dos profesores pertencentes ao Sistema Universitario de Galicia, levarase a cabo de acordo co disposto na Orde do 16 de outubro de 2006, pola que se publica o protocolo de avaliación elaborado pola CGIACA, relativo aos criterios e méritos de valoración e os procedementos para solicitar a valoración previa e asignación dos complementos de recoñecemento á excelencia curricular docente e investigadora, e de recoñecemento polos cargos de xestión (DOG do 26 de outubro).

De acordo co establecido no artigo 5.2 da devandita orde, polo acordo da CGIACA do 8 de novembro de 2011 establecéronse os méritos que poderán ser obxecto de valoración adicional, e que se incorporan á presente resolución como anexos I e II.

De conformidade co establecido na citada Orde do 16 de outubro de 2006, o Consello de Dirección da Axencia para a Calidade do Sistema Universitario de Galicia convocará, mediante resolución, a apertura do prazo para a presentación de solicitudes para a asignación dos complementos retributivos.

Pola Resolución do 21 de setembro de 2006 (DOG do 3 de outubro) publícanse os acordos do Consello de Dirección da Axencia para a Calidade do Sistema Universitario de Galicia, polos que se delega na súa Presidencia a realización das convocatorias anuais de valoración previa á asignación de complementos retributivos polo que, en virtude das citadas competencias delegadas,

RESOLVO:

Primeira. *Obxecto.*

Aprobar a convocatoria ordinaria e abrir o prazo de presentación de instancias, para solicitar a valoración previa á asignación das retribucións adicionais relativas ao complemento de recoñecemento á excelencia curricular docente e investigadora establecido no artigo 2.3 do Decreto 55/2004, do 4 de marzo, polo que se establecen as retribucións adicionais vinculadas a méritos adicionais docentes, investigadores e de xestión do profesorado universitario.

Segunda. *Destinatarios.*

De conformidade co disposto no artigo 1 do Decreto 55/2004, do 4 de marzo, polo que se establecen as retribucións adicionais vinculadas a méritos adicionais docentes, investigadores e de xestión do profesorado universitario, poderá solicitar a valoración previa á asignación das retribucións adicionais sinaladas na base anterior o persoal docente e investigador das universidades públicas que compoñen o Sistema Universitario de Galicia (SUG).

Terceira. *Requisitos.*

De conformidade co citado artigo 1 do Decreto 55/2004, do 4 de marzo, o artigo 6.3 da mesma disposición, así como co disposto polo artigo 2.1.º da Orde do 16 de outubro de 2006, pola que se publica o protocolo de avaliación elaborado pola Comisión Galega de Informes, Avaliación, Certificación e Acreditación (CGIACA), relativo aos criterios e méritos de valoración previa e asignación dos complementos de recoñecemento á excelencia curricular docente e investigadora, e de recoñecemento polos cargos de xestión, para obter a valoración será necesario:

1. Estar integrado no cadro do persoal docente e investigador, como funcionario ou como contratado doutor, de calquera das universidades públicas de Galicia.

Cando o persoal docente e investigador que, cumprindo todos os requisitos para a solicitude do complemento, se atopase en situación de servizos especiais ou comisión de servizos, poderá presentar igualmente solicitude para a avaliación do período convocado. Non obstante, os efectos económicos resultantes da devandita avaliación iniciaranse no momento da reincorporación ao seu posto na correspondente institución universitaria.

2. Que a praza do solicitante sexa fixa e estable e superase o correspondente proceso de concurso-oposición establecido na lei.

3. Acreditar, polo menos, un ano de servizo na súa praza, cumprido en 31 de decembro de 2010.

4. Ter recoñecidos, con efectos do 31 de decembro de 2010, dous quinquenios de docencia pola universidade.

5. Ter recoñecido, con efectos do 31 de decembro de 2010, un sexenio de investigación pola Comisión Nacional Avaliadora da Actividade Investigadora (CNEAI).

6. Valoración positiva dos méritos nos cales se sustente a solicitude, pola Axencia para a Calidade do Sistema Universitario de Galicia, de acordo co protocolo de avaliación aprobado para o efecto pola Comisión Galega de Informes, Avaliación, Certificación e Acreditación na Orde do 16 de outubro de 2006.

Cuarta. *Período de avaliación.*

1. Os méritos que se valoran, de entre os aprobados pola CGIACA e recollidos nos anexos I e II da presente resolución, estarán comprendidos no período 2006-2010.

Con carácter excepcional, os solicitantes que durante o devandito período disfrutasen de permisos de baixa maternal ou paterna, poderán incorporar méritos realizados ao longo dun intervalo temporal idéntico ao de duración da baixa e inmediatamente anterior ao inicio do período de avaliación da presente convocatoria. Neste caso, será necesario incorporar xustificación do goce do referido permiso.

2. De acordo co establecido no artigo 4.3 da Orde do 16 de outubro de 2006, transcorridos un mínimo de tres anos dende a obtención da avaliación e sempre e cando nese período obtivesen un novo tramo docente ou de investigación, os interesados poderán solicitar unha reavaliación. Para estes efectos, os méritos que se pretenda valorar estarán comprendidos igualmente no período 2006-2010. Esta nova avaliación substituirá, para todos os efectos, a anteriormente acadada.

Quinta. *Formalización das solicitudes.*

1. Os solicitantes deberán cubrir telematicamente a instancia e a relación de méritos, nos modelos dispoñibles na aplicación informática (anexos III e IV), á cal se poderá acceder a través da páxina web www.acsug.es

2. Non se valorarán os méritos que non foran incorporados telematicamente.

Sexta. *Presentación das solicitudes.*

1. Unha vez cubertos os impresos (anexos III e IV) telematicamente, deberán imprimirse e presentarse nos lugares sinalados no punto 6.3, debidamente asinados.

2. Xunto cos impresos sinalados no número anterior (anexos III e IV) e sempre que estes non fosen remitidos telematicamente a través da plataforma informática, deberá presentarse en soporte dixital (DVD, CD-ROM, lapis de memoria) a documentación que se relaciona a continuación:

– DNI ou documento equivalente, no caso de non prestar autorización á ACSUG para consulta dos seus datos no sistema de verificación de datos de identidade, de conformidade co disposto no Decreto 255/2008, do 23 de outubro (DOG do 13 de novembro).

– Documentación acreditativa dos citados méritos curriculares presentados.

– Documentación acreditativa, de ser o caso, do desfrute de permiso por baixa maternal no período 2006-2010.

– Curriculum vitae completo en calquera dos formatos existentes (ANEP, Dirección Xeral I+ D, etc.).

3. As solicitudes dirixiranse á presidenta do Consello de Dirección da Axencia para a Calidade do Sistema Universitario de Galicia (ACSUG) e poderán presentarse en calquera dos rexistros relacionados no artigo 38.4.º da Lei 30/1992, do 26 de novembro, de réxime xurídico das administracións públicas e do procedemento administro común, nos rexistros de calquera das universidades integrantes do Sistema Universitario de Galicia, así como na sede electrónica da Xunta de Galicia con domicilio <https://sede.xunta.es>

Sétima. *Prazo.*

O prazo para presentar as instancias en que se solicite a asignación das retribucións adicionais relativas ao complemento de recoñecemento á excelencia curricular docente e

investigadora será do 30 días naturais contados desde o día seguinte ao da publicación desta resolución no *Diario Oficial de Galicia*.

Oitava. *Admisión a trámite e emenda das solicitudes.*

1. A ACSUG comprobará que as solicitudes presentadas en prazo cumpran cos requisitos establecidos pola Orde do 16 de outubro de 2006 e demais normativa de aplicación necesarios para admitilas a trámite.

2. Os interesados deberán emendar os defectos apreciados na documentación entregada no prazo de 10 días hábiles a partir do día seguinte ao da notificación do requirimento de emenda, consonte o disposto no artigo 71 da Lei 30/1992, do 26 de novembro, de réxime xurídico das administracións públicas e do procedemento administrativo común. No caso de non atender o devandito requirimento, entenderase que desisten da súa petición.

3. Unha vez rematado o prazo para a presentación de solicitudes, non se admitirá ningunha documentación xustificativa dos méritos curriculares alegados. As correspondentes avaliacións faranse con base nos xustificantes dos méritos que achegase o interesado ata ese momento.

4. Sen prexuízo do disposto no parágrafos anteriores, a ACSUG poderá comprobar os datos alegados, así como aqueles datos académicos e de investigación relevantes para a avaliación, solicitando información para tal efecto ás distintas institucións implicadas. Do mesmo xeito, a ACSUG poderá requirir dos solicitantes as aclaracións e concrecións que considere oportunas en relación aos méritos alegados.

Novena. *Procedemento.*

1. O procedemento para a tramitación das solicitudes farase de conformidade co regulado na Orde do 16 de outubro de 2006, pola que se publica o protocolo de avaliación elaborado pola Comisión Galega de Informes, Avaliación, Certificación e Acreditación (CGIACA), relativo aos criterios e méritos de valoración, e aos procedementos para solicitar a valoración previa e asignación dos complementos de recoñecemento á excelencia curricular docente e investigadora e de recoñecemento polos cargos de xestión.

2. Os acordos de valoración adoptados, previos á asignación singular e individual dos referidos complementos polos consellos sociais das universidades, serán notificados a cada solicitante persoal e directamente, sen prexuízo do disposto na disposición adicional vixésimo primeira da Lei orgánica 4/2007, do 12 de abril, pola que se modifica a Lei orgánica 6/2001, do 21 de decembro, de universidades (BOE do 13 de abril). Estes acordos esgotan a vía administrativa e poderán ser obxecto de recurso de reposición ante o mesmo órgano que os ditiu ou ser impugnados directamente ante xurisdición contencioso-administrativa.

3. Sen prexuízo do establecido no parágrafo anterior, os acordos de valoración adoptados, cando resulten positivos, serán notificados directamente pola ACSUG ás correspondentes universidades, para que se proceda, se é o caso, por parte dos seus consellos sociais, á asignación singular e individual dos referidos complementos.

Décima. *Efectos económicos.*

1. Cando, de conformidade co disposto na base anterior, se proceda á asignación dos referidos complementos polas universidades, o pagamento das correspondentes retribucións farase cos seguintes efectos retroactivos:

– O 1 de xullo de 2011, para aqueles que xa solicitasen o complemento na convocatoria de 2006 (publicada mediante Resolución do 26 de outubro de 2006, DOG do 3 de novembro) e deixasen de percibir as retribucións correspondentes á valoración adicional do complemento.

– O 1 de xaneiro de 2011, para o resto de solicitantes.

2. Os membros dos órganos da ACSUG non poderán solicitar a renovación do complemento mentres se manteñan no desempeño dos seus cargos, polo que se prorrogarán os efectos económicos íntegros do complemento que tivesen recoñecidos ata que se produza o seu cesamento. Producido este, deberán presentarse á reavaliación na primeira convocatoria publicada.

Décimo primeira. *Protección de datos de carácter persoal.*

Na presente convocatoria cúmprese co indicado na Lei orgánica 15/1999, do 13 de decembro, de protección de datos de carácter persoal (BOE n.º 298, do 14 de decembro), poñendo en coñecemento dos interesados o dereito de acceso, rectificación, cancelación e oposición ao tratamento dos seus datos persoais, que poderán exercer mediante escrito dirixido á Axencia para a Calidade do Sistema Universitario de Galicia. Lamas de Abade, s/n, C.I.F.P. Compostela, 5.º andar, 15702 Santiago de Compostela (A Coruña).

Décimo segunda. *Entrada en vigor.*

Esta resolución producirá efectos a partir do día seguinte ao da súa publicación no *Diario Oficial de Galicia*.

Santiago de Compostela, 10 de novembro de 2011.

María Patrocinio Morrondo Pelayo
Presidenta do Consello de Dirección da Axencia para a Calidade
do Sistema Universitario de Galicia

ANEXO I
Méritos da actividade docente
Período 2006-2010

	Puntuación máxima: por ítem	Puntuación máxima: por tipo
1. Amplitude, intensidade e tipo da docencia no período de cinco anos avaliado (docencia en diplomatura, licenciatura, grao, posgrao, doutoramento ou equivalentes: máx. 10; tipo de docencia: teórica, práctica e outras actividades docentes EEES recollidas en POD: máx. 10; diversidade de materias e outras actividades docentes: máx. 15).	35	35
2. Creación de materiais docentes para a docencia universitaria: manuais, unidades didácticas, libros, capítulos de libros, artigos relacionados directamente coa docencia, traducións, software e outro material para a docencia.	20	30
3. Implicación na mellora da actividade docente universitaria*.		30
a) Coordinación de curso.	10	
b) Coordinación de grao ou equivalente.	15	
c) Coordinación máster ou equivalente.	20	
d) Coordinación programas de doutoramento.	15	
e) Plan de acción tutorial.	10	
f) Responsable de calidade de centro (PRCC).	10	
4. Participación en actividades de formación.		
4.1. Actividades de formación docente.		30
a) Dirección de cursos de formación docente de, alomenos, 20 horas.	5	
b) Impartición de cursos de formación docente de, alomenos, 4 horas.	10	
c) Asistencia a cursos de formación docente de, alomenos, 8 horas.	5	15
4.2. Actividades de formación investigadora.		
a) Teses doutorais dirixidas e defendidas**.	20	40
b) Impartición de cursos de formación de investigadores.	15	15
5. Actividades de prácticas externas e mobilidade.		30
5.1. Coordinación e titorización de programas de prácticas en empresas e institucións (regulados mediante convenios ou certificación de órgano colexiado académico)*.	15	15
5.2. Coordinación e titorización de proxectos de intercambio de estudantes: Erasmus, Erasmus Mundus, etc.*.	15	15
5.3. Participación dos docentes en programas de intercambio internacionais e/ou inter universitarios*.	10	20
6. Participación en actividades de innovación docente.		30
6.1 Proxectos competitivos de innovación docente.	15	
6.2 Participación en proxectos docentes de implantación de ECTS.	10	
6.3 Participación en programas piloto de implantación de EEES.	10	
6.4 Participación en comités de autoavaliación, comités externos de avaliación, comisións de normalización lingüística, comisións de avaliación do profesorado, etc., de relevancia docente*.	10	
7. Outras actividades relacionadas coa docencia*.		20
7.1. Premios e distincións relacionados coa actividade docente.	10	
7.2. Invitacións a participar en actividades docentes.	5	
7.3. Redes docentes.	10	
7.4. Actividades de divulgación docente.	5	
7.5. Outras actividades.	5	

	Puntuación máxima: por ítem	Puntuación máxima: por tipo
8. Actividades que fomenten o uso do galego na docencia universitaria.	***	***
9. Valoración da actividade docente universitaria: opinión dos estudantes respecto á docencia impartida polo profesorado.		15
Media superior á titulación e universidade.	15	
Media superior universidade.	10	

* Sempre e cando o seu desempeño non sexa consecuencia da ocupación dun determinado cargo académico.

** As teses doutorais poden ser incluídas tamén como méritos investigadores. O solicitante poderá decidir incluílas na epígrafe de docencia ou na de investigación, pero en ningún caso poderán ser alegadas en ambas as epígrafes polo mesmo solicitante.

*** Tendo en conta que neste punto se poderán presentar méritos de diferentes tipos (correspondentes a calquera dos puntos anteriores), o valor máximo será o que corresponda ao tipo de mérito alegado.

ANEXO II

Méritos da actividade investigadora e de transferencia do coñecemento Período 2006-2010

	Puntuación máxima: por ítem		Puntuación máxima: por tipo
1. Actividade investigadora.			
1.1. Teses doutorais dirixidas e defendidas**.	20		40
1.2. Proxectos/convenios-contratos con empresas-institucións.			60
a) Proxectos competitivos de ámbito internacional.	Dirección	30	
	Participación	15	
b) Proxectos competitivos do Plan nacional.	Dirección	20	
	Participación	10	
c) Proxectos competitivos autonómicos.	Dirección	15	
	Participación	10	
d) Coordinador partner internacional.	20		
e) Convenios ou contratos con empresas ou institucións.	Dirección	10	
	Participación	5	
1.3. Impartición de conferencias plenarias por invitación.			20
a) Congresos.	15		
b) Simposium ou equivalentes.	10		
1.4. Organización da investigación.			40
a) Responsable de organización eventos científicos e culturais de relevancia internacional (comité organizador será unha institución internacional ou de composición internacional).	15		
b) Editor ou membro de comités de redacción, editorial ou equivalente de revistas de ámbito internacional.	15		
c) Organización/dirección de expedicións científicas, escavacións arqueolóxicas relevantes, etc.	15		
d) Redes temáticas financiadas.	Dirección	15	
	Participación	10	
e) Premios e distincións relevantes relacionados coa actividade investigadora.	15		
f) Outros méritos de investigación.	15		

	Puntuación máxima: por ítem	Puntuación máxima: por tipo
1.5. Mobilidade.		
Estancias de investigación en centros estranxeiros de prestixio (mínimo 1 mes) (1).	4 puntos por mes	20
1.6. Actividades que fomenten o uso do galego na investigación.	***	***
2. Transferencia e divulgación do coñecemento.		
2.1. Transferencias tecnolóxicas.	15	
2.2. Patentes recoñecidas.	15	
2.3. Comisario ou organizador de exposicións de relevancia estatal ou internacional.	15	
2.4. Informes relevantes.	10	
2.5. Estudos relevantes para o desenvolvemento social, económico, científico e cultural de Galicia.	15	
2.6. Creación empresas de base tecnolóxica que supoñan transferencia de tecnoloxía.	20	
2.7. Divulgación do coñecemento.	15	
2.8. Conferencias e cursos de divulgación científica.	5	10
2.9. Outros méritos de transferencia e divulgación do coñecemento.	15	
2.10. Actividades que fomentan o uso do galego na transferencia e divulgación do coñecemento.	***	***

(1) Pode presentarse a suma da totalidade das estancias do período que se vaia avaliar, sempre que a duración de cada unha delas sexa mínimo dun mes, suma que se computará como un só mérito.

** As teses doutorais poden ser incluídas tamén como méritos docentes. O solicitante poderá decidir incluílas na epígrafe de docencia ou na de investigación, pero en ningún caso poderán ser alegadas en ambas as epígrafes polo mesmo solicitante.

*** Tendo en conta que neste punto se poderán presentar méritos de diferentes tipos (correspondentes a calquera dos puntos anteriores), o valor máximo será o que corresponda ao tipo de mérito alegado.



PROCEDEMENTO SOLICITUDE DE VALORACIÓN PREVIA Á ASIGNACIÓN DAS RETRIBUCIÓNS ADICIONAIS VINCULADAS Á EXCELENCIA CURRICULAR DOCENTE E INVESTIGADORA	CÓDIGO DO PROCEDEMENTO ED701A	DOCUMENTO SOLICITUDE
--	---	--------------------------------

1. DATOS DO SOLICITANTE

NOME PRIMEIRO APELIDO SEGUNDO APELIDO DNI
 DATA DE NACEMENTO SEXO ENDEREZO CÓDIGO POSTAL
 LOCALIDADE PROVINCIA CONCELLO
 TELÉFONO FAX ENDEREZO ELECTRÓNICO

2. DATOS ADMINISTRATIVOS

PROFESOR CU TU CEU TEU CD UNIVERSIDADE
 CENTRO DEPARTAMENTO
 ÁREA DE COÑECEMENTO CÓDIGO
 DATA DA TOMA DE POSESIÓN COMO FUNCIONARIO OU CD

3. TRAMOS DOCENTES E DE INVESTIGACIÓN recoñecidos con efectos do 31 de decembro de 2010

Tramos docentes (quinquenios). Períodos:	Tramos de investigación (sexenios). Períodos:
1.º De <input type="text"/> a <input type="text"/>	1.º De <input type="text"/> a <input type="text"/>
2.º De <input type="text"/> a <input type="text"/>	2.º De <input type="text"/> a <input type="text"/>
3.º De <input type="text"/> a <input type="text"/>	3.º De <input type="text"/> a <input type="text"/>
4.º De <input type="text"/> a <input type="text"/>	4.º De <input type="text"/> a <input type="text"/>
5.º De <input type="text"/> a <input type="text"/>	5.º De <input type="text"/> a <input type="text"/>
6.º De <input type="text"/> a <input type="text"/>	6.º De <input type="text"/> a <input type="text"/>

4. DOCUMENTACIÓN QUE SE XUNTA

Sinalar cunha aspa o tipo de documentación que se xunta á solicitude.

Fotocopia do DNI ou documento equivalente.
 Relación de méritos obxecto de avaliación (anexo IV).
 Xustificación de méritos achegados.
 Curriculum vitae.
 Outros documentos (indicar cales):

5. TIPO DE AVALIACIÓN

Primeira avaliación.
 Reavaliación (por transcurso de 3 ou 4 anos). Ano da anterior convocatoria:
 Reavaliación (por transcurso de 5 anos). Ano da anterior convocatoria:

* CONTINÚA NA SEGUINTE PÁXINA

AUTORIZACIÓN:

Autorizo a ACSUG, de conformidade co artigo 2 do Decreto 255/2008, do 23 de outubro, e a Orde da Consellería da Presidencia, Administracións Públicas e Xustiza do 7 de xullo de 2009, que o desenvolve, para a consulta dos meus datos de identidade no Sistema de Verificación de Datos de Identidade.

SI NON

EXPÓN:

Que os datos contidos nesta solicitude e nos documentos que se xuntan son certos, asumindo, en caso contrario, as responsabilidades que poidan derivar das inexactitudes que consten.

Que coñece e acepta todos os requisitos e obrigas expresados na resolución de convocatoria, incluída a autorización expresada coa sinatura desta solicitude para que a ACSUG solicite ás distintas institucións implicadas a verificación dos datos alegados, tanto académicos como de investigación, relevantes para a avaliación.

Que considero reunir todos os requisitos exixidos, polo que SOLICITO a concesión do complemento arriba indicado.

De acordo coa Lei orgánica de protección de datos, infórmase de que os seus datos persoais van ser incorporados a un ficheiro automatizado, o cal ten a finalidade de avaliar as solicitudes presentadas para a asignación de complementos retributivos segundo as bases da presente convocatoria. Ponse no seu coñecemento o dereito de acceso, rectificación, cancelación e oposición ao tratamento dos seus datos persoais mediante escrito dirixido á AXENCIA PARA A CALIDADE DO SISTEMA UNIVERSITARIO DE GALICIA - Lamas de Abade, s/n- Edif. CIFP Compostela, 5.º andar, 15702 Santiado de Compostela (A Coruña).

Marque cun X este recadro se desexa colaborar coa ACSUG en análises estatísticas e medición de satisfacción.

Marque cun X este recadro se desexa que a ACSUG lle comunique a través do correo electrónico indicado a resolución provisional da valoración.

SINATURA DO SOLICITANTE

LUGAR E DATA

, de de



CONSELLO DE DIRECCIÓN DA AXENCIA PARA A CALIDADE DO SISTEMA UNIVERSITARIO DE GALICIA
Rúa Lamas de Abade, s/n. Edif. CIFP Compostela, 5.º andar, 15702 Santiago de Compostela

ANEXO IV
Modelo normalizado de relación de méritos que se van avaliar

ACHEGAS			
1.º apelido		2.º apelido	
Nome		DNI	
ACHEGAS AO COMPOÑENTE DOCENTE Á VALORACIÓN ADICIONAL			
	TIPO	TÍTULO	DOCUMENTO
1. ^a			
2. ^a			
3. ^a			
4. ^a			
5. ^a			
6. ^a			
RESUMOS DAS ACHEGAS AO COMPOÑENTE DOCENTE			
1. ^a			
2. ^a			
3. ^a			
4. ^a			
5. ^a			
6. ^a			
ACHEGAS AO COMPOÑENTE INVESTIGADOR E TRANSFERENCIA DE COÑECEMENTO Á VALORACIÓN ADICIONAL			
	TIPO	TÍTULO	DOCUMENTO
1. ^a			
2. ^a			
3. ^a			
4. ^a			
5. ^a			
6. ^a			
RESUMOS DAS ACHEGAS AO COMPOÑENTE INVESTIGADOR			
1. ^a			
2. ^a			
3. ^a			
4. ^a			
5. ^a			
6. ^a			

Santiago de Compostela, de de 2011

Sinatura do solicitante

PRESIDENTE DO CONSELLO DE DIRECCIÓN DA AXENCIA PARA A CALIDADE DO SISTEMA UNIVERSITARIO DE GALICIA
 Rúa Lamas de Abade, s/n. Edif. CIFP Compostela, 5.º andar, 15702 Santiago de Compostela